



Inatsisartuni ilaasortaq Tillie Martinussen, Demokraatit

Ikkap Kangerluani enzymit pillugit § 37-mi apeqqutinut akissutit

22-05-2015
Sags nr. 2015-114906
Dok. nr. 1971585

Inatsisartut suleriaasianni § 37-mut tunngasunik Ikkap Kangerluani enzymit pillugit Naalakkersuisunut apeqquteqarsimavutit. Apeqqutitit tungitsinnit akineqartussanngortitaapput.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

- 1. Ikkap Kangerluani enzymit niuerutigilerniarlugit qinnuteqaatit tigusimasat suliarinerat sumut killippa?**

Akissut:

2015-imi februaarip qaammataani Ikkami napasunit pissarsiamit enzymimik maannakkut nioqqutigissallugu kisermaassisinnaatitaanermik piginnittup enzymp nioqqutiginnissaanik kissaateqarluni qinnuteqaammik Inuussutissarsiornermut, Suliffeqarnermut Niuernermullu Naalakkersuisoqarfimmut nassiussaqaarpoq. Qinnuteqaammik tassanga suliaqarneq ingerlanneqaarpoq, akuersissumillu inatsisit malillugit tunniussinissaq (tassanilu inatsimmi pissarsisup atia normualu ilanngunneqassaput) paasissutissallu pisariaqartitat tamarmik tunniunneqarnissaat qulakkeerniarlugit nioqqutissamik kisermaassisinnaatitaaffigisamik piginnittorlu oqaloqateqartuortoqaarpoq.

- 2. Enzymit iluanaarniutigineqalerpata akileraarutitigut (inuit akileraarutaasigut ingerlatseqatigiiffiillu) qassit iluanaarutigineqassasut Naalakkersuisut naatsorsuutigaat?**

Akissut:

Isumalluutitik uumassusilinnik niuernikkut atuinnermut tunngatillugu suliaassaqaarfik Kalaallit Nunaanni nutaajuinnangilaq, nunarsuarmili tamarmi nutaajuvoq. Nioqqutiginnitsilernermet atatillugu iluanaarutissat qanoq qulakkeerneqarnissaat nunamit nunamut assigiinngisitaarpoq.

Inatsimmi § 11, imm. 2 malillugu *niuernermi siunertarisanut akuersissutit pillugit akiliutissat naatsorsorneqassapput pineqartumut pissutsit atuuttut tunngavigalugit, assersuutigalugu akuersissutip qanoq sivilutigisumik atuunnissaa, atuuffissaa aammalu aningaasatigut iluanaarutigisassatut naatsorsuussat tunngavigalugit*. Akiliineq inatsisini aalajangersakkani najoqqutassiat aallaavigalugit naatsorsorneqartussamit royaltykkut pissaaq. Royaltymut akiliineq suliamit suliamut assigiinngisitaassaaq – mannaluk tikillugu isumalluutinik uumassusilinnik atuinermi royaltymik akiliisarnermut Kalaallit Nunaanni siusinnerusumik takussutissaqanngilaq.

2016-ip ingerlanerani Naalakkersuisut inatsimmik nutaamik periusissiamillu suliaqartitsissallutik pilersaaruteqarput.

Inussiarnersumik inuulluaqqusillunga
Med venlig hilsen


Vitus Quakisoq